0.0.1 ratanasuttam

- 222. yānīdha bhūtāni samāgatāni bhummāni vā yāni vā antalikkhe, sabbeva bhūtā sumanā bhavantu atho'pi sakkacca suṇantu bhāsitaṃ.
- 223. tasmā hi bhūtā nisāmetha sabbe mettam karotha mānusiyā pajāya, divā ca ratto ca haranti ye balim tasmā hi ne rakkhatha appamattā.
- 224. yam kiñci vittam idha vā huram vā saggesu vā yam ratanam panītam, na no samam atthi tathāgatena idampi buddhe ratanam panītam etena saccena suvatthi hotu.
- 225. khayam virāgam amatam panītam yadajjhagā sakyamunī samāhito, na tena dhammena samatthi kiñcī idampi dhamme ratanam panītam etena saccena suvatthi hotu.
- 226. yam buddhaseţţho parivaṇṇayī sucim samādhimānantarikaññamāhu, samādhinā tena samo na vijjati idampi dhamme ratanam panītam

etena saccena suvatthi hotu.

227. ye puggalā aṭṭhasataṃ pasatthā cattāri etāni yugāni honti, te dakkhiṇeyyā sugatassa sāvakā etesu dinnāni mahapphalāni, idampi saṅghe ratanaṃ paṇītaṃ etena saccena suvatthi hotu.

228. ye suppayuttā manasā daļhena nikkāmino gotama sāsanamhi te pattipattā amatam vigayha laddhā mudhā nibbutim bhuñjamānā idampi saṅghe ratanam paṇītam etena saccena suvatthi hotu.

229. yathindakhīlo paṭhaviṃsito siyā catubbhi vātehi asampakampiyo, tathūpamaṃ sappurisaṃ vadāmi yo ariyasaccāni avecca passati, idampi saṅghe ratanaṃ paṇītaṃ etena saccena suvatthi hotu.

230. ye ariyasaccāni vibhāvayanti gambhīrapaññena sudesitāni kiñcāpi te honti bhusappamattā na te bhavam aṭṭhamam ādiyanti, idampi saṅghe ratanam paṇītam

etena saccena suvatthi hotu.

231. sahāvassa dassanasampadāya tayassu dhammā jahitā bhavanti, sakkāyadiţţhi vicikicchitañca sīlabbatam vāpi yadatthi kiñci, catūhapāyehi ca vippamutto cha cābhiṭhānāni abhabbo kātum idampi saṅghe ratanam paṇītam etena saccena suvatthi hotu.

232. kiñcāpi so kammam karoti pāpakam kāyena vācā uda cetasā vā abhabbo so tassa paṭicchādāya abhabbatā diṭṭhapadassa vuttā, idampi saṅghe ratanam paṇītam etena saccena suvatthi hotu.

233. vanappagumbe yathā phussitagge gimhānamāse paṭhamasmiṃ gimhe, tathūpamaṃ dhammavaraṃ adesayi nibbānagāmiṃ paramaṃ hitāya, idampi buddhe ratanaṃ paṇītaṃ etena saccena suvatthi hotu.

234. varo varaññū varado varāharo anuttaro dhammavaram adesayī idampi buddhe ratanam paṇītam

etena saccena suvatthi hotu.

235. khīņam purāņam navam natthi sambhavam virattacittā āyatike bhavasmim, te khīṇabījā avirūļhicchandā nibbanti dhīrā yathāyampadīpo, idampi sanghe ratanam panītam etena saccena suvatthi hotu.

pts page 042